



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Caput 13. De Testamento.

urn:nbn:de:hbz:466:1-40873

510 Pars 2.17.5.6.10.12. De Emptione. Simoniacæ
pro gratia sive intercessione amici apud collatorem: hanc sententiam ut probabilem habet
Vasquez & Sanchez in Opusculor. tom. 1. lib. 2. cap.
3. & aliqui Recentiores apud Dianam part. 4.
tract. 4. resol. 15. & iterum part. 10. tract. 15. re-
sol. 5. Sed ipse Vasquez & Sanchez censet contra-
riam sententiam esse probabiliorem: quod om-
nino verum judico tam ab authoritate, quam
a ratione; quia illud pretium saltem mediæ
pro ipso beneficio conferri videtur: & hac viâ
facile foret passim palliare Simoniam in oculis
hominum, sed prava animi intentio fugere non
potest oculos Dei, ut etiam rectè hic notat Stephanus à S. Paulo pag. 422.

Quares quartò, An liceat absque Simonia
pro beneficio aut alia re spirituali accipere ali-
quid temporale titulo gratitudinis, sic ut de il-
lo ex gratitudine præstanto paetum interce-
dat? Licitum id esse, videtur admittere Diana-
citans Valentiam, quia non est pactum indu-
cens obligationem justitiae. Verum etsi non
inducat obligationem justitiae, adfert tamen
novam obligationem, & pretio æstimabilem
supra simplicem gratitudinem, que per se li-
bera est, nec obligat determinatè ad hoc vel
illud donum conferendum, quod tamen fit ei
vi istius contractus, qui proinde onerosus cen-
seri potest.

CAPUT XIII.

De Testamento.

1. TEstamentum est justæ voluntatis dispo-
sitione de rebus post mortem præstandis
cum hæredis institutione. Et per hoc ultimum
differ-

differit testamentum à *legato*, sive fidei commisso
partiali, quod tantum est donatio particularis
alicui à defuncto relictā. *Codicillus* autem est
quasi imperfectum testamentum, sine hære-
dis institutione, ad constituenda aliqua legata,
vel ad aliquid in testamento explicandum,
mutandum, addendum, vel demendum. *De*
quiibus Laym. l.3. t.5. c.1. Bonac. Tanner. *alii-*
que.

2. Ad testamentum solemne, sive clausum,
requiruntur à jure variæ solemnitates: nempe
ut testator illud suâ vel alicujus manu scriptum
offerat septem testibus idoneis, non defectuo-
s, non cœcis, surdis, mutis, nec furiosis,
& prodigis, infamibus, religiosis, cognatis,
qui in testatoris potestate sunt; (quiibus adde
ipsum hæredem, & qui in ejus potestate sunt)
sed masculis puberibus, liberis, ad id *rogatis*,
& *vocatis*, coram profitendo id esse suum te-
stamentum: tum si possit manu suâ subscribit,
alioqui id præstat octavus pro eo testis, dein
omnes & singuli septem testes eodem tempore
subscribunt, si possint, per se ipsos; proprio
que, vel alieno, aut communi omnes sigillo
consignant, *Laym. Bonac. d.3. q.17. p.1. &c.*

3. Si testamentum careat debitâ solemnitate,
& dubitetur an testator intenderit confi-
re testamentum *clausum*, an verò apertum, ha-
bebit saltem vim testamenti *nuncupativi*, quod
tantum requirit ut septem prædicti testes co-
ram audiant & intelligent testatoris volunta-
tem etiam solâ voce expressam. Quia præsu-
mitur testatorem hoc saltem voluisse potius
quam actum suum esse irritum. *Sanch. Lugo*
&c. Consultum est in consciendo testamento
etiam adhibere Notarium qui particularium lo-

¶ 12. Pars 2. tract. 5. cap. 13. De Testamento.
corum jura nosse solet, ut valori testamenti in
foco externo tutius consulatur.

4. Notat quoque Diana p. 6. tr. 5. resol. 30. in-
valuisse consuetudinem ut minor numerus te-
stium quam septem sufficiat ad valorem. Cer-
tè hominibus rusticis quinque testes sufficere,
si difficulter plures habentur, absque subscrip-
tione, si non sint litterati, tradit Laym. &
Bonac.

Item tempore pestis necesse non est testes si-
mul congregari, sed tantum ut singuli seorsim
adhibeantur: imò absolute loquendo tunc dues
vel tres sufficere ex jure gentium docet Diana
p. 7. tr. 6. cum Sa., Laym. &c. Neque minus mi-
litibus, dum in castris sunt, concedunt jura
privilegium.

5. Si testamentum factum sit ad *pias* causas,
etiam in foco externo juris solennitates non re-
quiruntur, sed tantum quæ jure gentium suffi-
ciunt, nempe duo testes, inter quos fæmina
esse potest. Covar. & alii 12. Item Parochus,
aut Confessarius etiam si legata essent pro Eccle-
sia propria, Less. Lugo &c. Et quamvis morte
interveniente contingaret testamentum non
esse absolutum, validum tamen est quoad le-
gata pia Diana &c. In foco autem conser-
vatiæ etiam sine ullo teste sufficit scriptura, nu-
tus, vel aliud signum, quo voluntas Testato-
ris sufficienter indicatur. Molina, Lugo, Diana.

6. Si autem testamentum factum fuerit ad
causas non pias, & careat solennitatibus jure re-
quisitis, probabilius est illud *salem in foco con-
scientie* esse omnino validum: adeoque licet
retineri quod ex tali testamento possidetur.
Quia illæ solennitates tantum requiruntur in
foco externo ad fidem in judicio faciendam, &

Pars 3. tract. 5. cap. 13. De Testamento. 513
excludendam omnem deceptionem. Ita Lessius
de jur. l.2. c. 14. d. 3. Barbosa. Wiggers, p. 9. tr. 7.
resol. 49. contra Molin. Dian. &c.

Hinc haeres ab intestato non videtur excusari
in foro conscientiae a persolvendis legatis in te-
stamento non solenni relictis, si satis ipsi con-
stet de voluntate Testatoris. De qua si dubius
sit tenetur cum aliis pro ratione dubii compo-
nere. Quia in hoc dubio neutri parti faveat pos-
satio.

7. Testari non potest Religiosus professus,
nec filius familias de bonis adventitiis sine pa-
tris consensu, nisi tamen sit Clericus, etiam
primae tonsuræ: nec eœcus sine testibus, nec
pupillus, nisi sit doli capax, & juramento con-
firmaverit. Nec in bello justo captus, nec ob-
ses apud infideles. Nec manifestus usurarius,
nisi præstitâ cautione: valebunt tamen hujus
legata ad causas pias si pœnitens obierit. Nec
uxor nisi ad pias causas, sicuti legitimè statu-
tum sit, ut non possit testari sine consensu ma-
riti, uti refert Sa. & plures alii.

8. Patris testamentum inter liberos ab eo so-
lo scriptum, aut subscriptum validum est, et
iam ad pia legata, Sa. Diana, &c.

9. Potest Pater ob justam causam inæquali-
ter filiis bona relinquere, ubi non obstat lex
particularis: sed non potest legitimâ portione
privare.

10. Etsi spurium à testamento excludat jus-
civile, ex jure tameū Canonico potest illi Pa-
ter alimenta relinquere, & filiæ dote m si eā
indigeat.

11. In dubio testamenti judicandum est te-
statorem, id voluisse, quod si adesset dictatus
erederetur.

§ 14. Pars 3. tract. 5. cap. 13. De Testamento.

12. Qui juravit non revocare testamentum, si revocet certum est validè revocare, imò à perjurio si causa subsit probabiliter excusatur. *Sa. &c.*

13. Conditio hæc testamento apposita, si filia non nupserit, in ea quæ nunquam nupsit, item, si non intrabit Religionem, pro non apposita habetur.

14. Testator nullo jure positivo prohibetur, omissis consanguineis collateralibus, v. g. fratre, quemvis extraneum hæredem constitutre. *Bonac. & alii 5. apud Diana p. 1. tr. 8. resp. 83.*

15. Professio religiosa testamentum priùs factum non irritat, cum tunc fuerit sui juris, ut Theologi passim admittuntur.

16. Executor testamenti potest esse, qui excedit annum 17. ætatis, unus vel plures, mas vel fæmina. Clericus, aut Religiosus, sed cum licentia sui Prælati, & quidem Generalis, si sit Societas: sed Franciscanis id omnino jure prohibitum. Si tamen hos executorem agere contingat, acta non erunt invalida, sed tantum illicita. *Laym. Bonac. Dian. p. 8. t. 8. r. 9.*

17. Si à Testatore nullus nominetur Executor testamenti, executio ad hæredem pertinet, etiam ad pia legata: potest tamen tali causa Episcopus eam ad se pertrahere jure communio. *Laym. &c.*

1. Quando voluntas Testatoris honestè impleri potest, non possunt legata ad pias causas commutari etiam in opus manifestè melius, nisi ex dispensatione Pontificis, & justa de causa: *Vasquez* id etiam Episcopo concedit. Communis opinio Doctorum admitrit ad Episcopum, hæredem, & executores pertinere per epikiam in-

Pars 3. tract. 5. cap. 13. De Testamento. 515
interpretari, non esse à defuncti voluntate alienum si aliqua mutatio fiat: v.g. si pecuniam reliquerit ad calices emendos pro Ecclesia, quæ calicibus non eget, potentunt eam applicare ad comparandas casulas, aut alia ornamenta, quæ magis ad Templi usum conducunt. *Vasq. Molin. Barbosa &c.*

18. Si executores intra annum suâ culpâ negligunt exequi testamentum, jus executionis ad Episcopum devolvitur. *Molin. Dian. &c. 8. alii.*

19. Imò in legatis piis tenentur ad executionem intra sex menses, idque etiamsi nondum inita sit hæreditas. *Molin. Vasq. Diana p.8. t.6. resol. 25.*

20. Si bona defuncti non sufficient ad legata omnia persolvenda, distribuenda sunt omnibus pro singulorum rata æqualiter, quia in casu jus ad solutionem est in omnibus æquale. *Diana Sylv. Sanch. Bonacina.*

Formula autem Testamenti talis esse solet. *In nomine Dei omnipotentis, Amen. Ego N. N. nunc liberè, & integris sensibus commando Corpus terre sanctæ, & Animam meam Deo creatori, sub protectione B. Virginis &c. Heredem meum constituo N. N. exprimendo bona relinquenda, debita solvenda, legata pia, aut alia pro particularibus personis prout cupit de rebus suis disponere. Postea nominat Executores sui testamenti, & exprimit obligationes, si quas illis imponit. Postremò annotat locum, diem, & annum; & infra Nomen suum, ac Sigillum apponit. Subscribunt etiam testes singuli.*

Et quoniam in quibusdam varia sunt aliquando variorum locorum jura, expedit in

516 Pars 3. tract. 5. cap. 14. De Restitutione.
confiendo testamento Notarium loci publi-
cum adhibere, aut alium peritum & fidēlem,
ut in singulis securius procedatur.

CAPUT XIV.

De Restitutione.

§. 1. Quinam teneantur ad Restitutionem.

1. **R**estitutio, est actus justitiae quo reparatur damnum per injuriam alteri illatum. Injuria autem est læsio juris alieni in re quam possidet, vel ad quam possidendam jus habet. Hinc si læsio sit contra solam charitatem aut aliam virtutem, non est sufficiens fundamen-
tum restitutionis. Injuria hæc aliquando est materialis, quando quis bonâ fide causa fuit damni illati, aliquando formalis, quando ma-
lā fide, id est, sciens, vel scire negligens alte-
ri damnum intulit.

2. Non solus ille qui proximè damnificat ad restitutionem obligatur, sed etiam illi qui ad
damnum alteri inferendum cooperantur. De
his ut Confessarius promptè possit judicare, se-
quenti versu aptè comprehenduntur.

*Iusso, consilium, consensus, palpo, recursus,
Participans, mutus, non obstante, non manifestans.*

3. *Iusso* indicat eum, qui jubet vel mandat
damnum inferri, ad illius restitutionem teneri,
quando famulus ex verbo vel signo colligit gra-
tum fore suo domino si damnum inferat, do-
minus ad restitutionem obligatur.

*Non obligatur tamen qui absque ullo man-
dato*